



## Trattativas da la suprastanza cumünala Zernez

Protocol no. 015/2021 dals 01-11-2021

Pagina 1

### Rapport da survaglianza finanziala da l'uffizi chantunal da cumüns per l'on 2020

L'uffizi per cumüns scriva minch'on ün rapport da survaglianza. La suprastanza ha tut a cognizion il rapport e nun ha gnü da far ingünas intervenziuns.

### Pè d'impostas cumünalas per l'on 2022

A basa da la situazion actuala da finanzas dal Cumün da Zernez propuona la suprastanza a man da la radunanza cumünala dals 2 december 2021 da laschar il pè d'impostas pel 2022 sün 84% da l'imposta chantunala.

### Planisaziun d'areal Cul - publicaziun uffiziala d'intervenziun

La cumischion da planisaziun d'areal in Cul es daspö il 2015 insembele cul planisader landervia a s-chaffir ün prodot chi resguarda ils bsögns cumünals, regiunals, chantunals e da la mansteranza actuala e futura, sainza laschar our d'ögl ils bsögns dal turissem e da l'agricultura. Dovo diversas consultaziuns es uossa la planisaziun pronta per la publicaziun. La suprastanza cumünala ha approvà il sböz da planisaziun e rinvia tal per la publicaziun uffiziala d'intervenziun.

### Ledscha d'energia - revisiun

Ils gremis responsabels sun repassats il sböz da la revisiun da la ledscha d'energia. In quista revisiun vaja specialmaing per il schlargiamaint dal proget Zernez Energia 2020 sün tuot il territori dal Cumün da Zernez. La suprastanza prevezza da tractandar la revisiun illa prosma radunanza cumünala chi han lö il 2 december 2021. Dovo la decisio da la radunanza vain la ledscha suottamissa a la votaziun a l'urna.

### Uorden da sauazion - adattamaint

L'uorden da sauazion davent dal provedimaint d'aua public, chi'd es üna part da la ledscha champestra es gnü adattà e cumplettà süllas nouvas structuras da cumün. L'uorden es gnü acconsenti e gnarà preschantà insembele culla ledscha champestra in üna da las prosmas radunanzas cumünalas.

### Zonas da quietezza supplementaras territori cumün da Zernez

Il guardgiasulvaschina ha dumandà al cumün da pudair realisar duos nouvas zonas da quietezza (Munt Barlas-ch, Munt Baselgia - Laschadura) ed ün pitschen ingrondimaint d'üna zona (Munt da Brail) per la sulvaschina. L'argumaint es il turissem chi ha tut pro, eir fingià l'on passà, e cun quai esa adüna diplü persunas aint ils gods d'inviern e la sulvaschina vain disturbada adüna plü ferm. Il gremi responsabel ha acceptà l'agir.

### Susch, Muglinas - montascha camera local ramassamaint da rument

A Susch daja daspö ün temp la problematica i'l local da rument Muglins, chi vain büttà il rument singul o eir in sachs nairs e per part sachs s-charpats. La suprastanza cumünala ha decis da montar i'l local da rument üna camera per la survaglianza. Ouravant gnarà manada tras la publicaziun uffiziala üsิตada, per pudair far quai.